



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CCXLIII. Alexander VIII. Anno Christi 1689. Leopoldi I. 38.

---

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

tinctus est, reviviscens ac reflorescens in annos æternos.

ANNOTATIONES.

(1) Constitut. *Cum aliis* 19. in Continuatione Bullarii part. 1. pag. 64.

(2) Sfondratus in Gallia Vindicata Dissertat. 1. §. 1. num. 2. pag. 4. *Regalia nihil aliud est, quàm jus & facultas Regis concessa fructus, & proventus vacantis Episcopatus, cujus electio ad Regem pertineat, percipiendi, & beneficia, ac prebendas curæ animarum expertes interim conferendi. Jus Regaliæ si latius sumatur, ex quatuor juribus conflatur, videlicet eligendi, investiendi, beneficia vacantis conferendi, percipiendique fructus, ac proventus temporales.*

(3) Vide annotat. §. ad S. Pium V. pag. 533.

CCXLIII.

ALEXANDER VIII

ANNO CHRISTI 1689.

LEOPOLDI I. 38.

**P**Ridie Nonas Octobris ad curam Ecclesiæ Catholicæ admotus est *Petrus Ottobonus*, Marci Equitis Venetæ Reipublicæ Magni Cancellarii filius, Brixie olim Episcopus, doctus in *Strinâ*,



Strinâ, & rerum experienciâ clarus  
*Alexander VIII.* appellatus est. Gra-  
tus in patriam Venetis affirmavit jus  
antiquum exigendi decimas Clerico-  
rum ab *Innocentio XI.* interdictum,  
gerentésque bellum contra commu-  
nem hostem Turcam juvit classe.  
*Francisco Mauroceno* Principi Ensem  
misit & Galerum, mitti solitum à  
Pontifice donum summis tantùm Im-  
peratoribus ob singularia merita in  
Religionem Christianam. Jus per-  
petuum eisdem impertiit eligendi  
Episcopos atque Archiepiscopos  
Urbium, quas cepissent de Turcis.  
Liberalis simul erga Antistitem Tem-  
pli *D. Marci*, quem *Primicerium* ap-  
pellant, dignitatem ejus potestatem-  
que munivit & amplificavit. Ute-  
batur hic usque ab *Joanne Particiatio*  
Principe Venetiarum XI. (1) insi-  
gnibus Episcopalibus, & in templis  
suis benedicebat populo, præficie-  
bátque Sacerdotes sacris confessioni-  
bus audiendis more Episcoporum :  
tum *Tonsuram Primam* conferebat  
Clericis sibi subjectis, Ordinibusque  
cæteris initiandos datis litteris dimit-  
tebat ad Episcopos. Multorum usu

Sss

fæ-



ſæculorum hæc jam aſſerta non confirmavit modò Alexander, ſed auxit quoque, ut *Primiceriis* Templi D. Marci ad quatuor Minores Ordines promovendi Clericos ſuos impoſitorum eſſet facultas. Ad hæc B. *Laurentium Juſtinianum* primum Venetiarum Patriarcham, pietate inclytum & doctrinâ adſcripſit in Sanctos, quo honore auxit etiam Joannem à S. Facundo Ordinis Eremitarum S. Auguſtini, Joannem à Capiftrano, Paſchalem Baylonium ex familia S. Franciſci, & Joannem de Deo auctorem Ordinis Sacerdotum interventium Xenodochiis. Idem rem difficillimam obtinuit jam tentatam ab deceſſore ſuo, ut Regum Oratores dimitterent jus antiquum immunitatis, utque Rex Chriſtianiſſimus Apoſtolicæ Sedi reſtitueret Avenionem Urbem & circumjectam regionem, quam occuparat ad Innocentium emolliendum. Suſceptâ morum correctione, damnavit *Peccatum Philoſophicum*, atque unam & triginta *propoſitiones*. (2) Obiit annum ætatis agens octogefimum primum, 1691. Kal. Februar. circumactis Pontificatus



tus mensibus quindecim , diebus sex & viginti.

ANNOTATIONES.

(1) *Joannes Participatius* (vulgò *Participatius* anno Christi 829.) *Princeps declaratus publicam administrationem à divinis orsus fanum Ducario propinquum statuit, in quod ritè dedicatum ex minori sacello (D. Marci) Evangelistæ corpus est translatum, lectique ex omni Clero aliquot, qui rem ibi divinam facerent; his Antistes datus, quem Primi-cerion hodie vocant. Fuit res ipsa omnino tenuis ab initio, nec præsentì opulentia, & magnitudini, quæ hodie moles ipsa laborat, quidquam habuit simile* M. Ant. Sabellicus *Rerum Venetarum Decadis primæ lib. 3. pag. 34.*

(2) D. Thomas 1. 2. quæst. 71. art. 6. ad 5. *A Theologis consideratur peccatum præcipuè secundum quod est offensio contra Deum: à Philosopho autem morali secundum quod contrariatur rationi: & ideo Augustinus convenientius definit peccatum ex hoc, quod est contra rationem, præcipuè cum per legem æternam regulemur in multis, quæ excedunt rationem, sicut in his, quæ sunt fidei.*

Sss 2

Idem



Idem supra art. 2. ad 4. Quid  
quid est contra rationem artificiatum, est  
etiam contra naturam artis, quæ arti-  
ficiatum producitur: lex autem æterna  
comparatur ad ordinem rationis humanæ,  
sicut ars ad artificiatum. Unde ejusdem  
rationis est, quod vitium & peccatum sit  
contra ordinem rationis humanæ, & quod  
sit contra legem æternam. Vide Domi-  
nici Viva Theologicam Trutinam  
damnatarum thesium part. 3. pag. 347.

CCXLIV.  
**INNOCENTIUS**  
**XII.**

ANNO CHRISTI 1691.

LEOPOLDI I. 40.

**M**enses amplius quinque discordia  
tenuit Cardinales collectos in  
comitiis Pontifici creando. Tandem  
IV. Idus Jul. suffragia cuncta con-  
sensere in *Antonium Pignatellum* Ar-  
chiepiscopum Neapolitanum, illu-  
stri ibidem genere natum, virum  
tantæ potestati parem. Pontifex re-  
nunciatus est nomine *Innocentii XII.*  
*Æmulatus* virtutes decessoris sui In-  
no.